

卷一百三十六



歷代史纂左編卷第一

明都察院右僉都御史 淮揚軍務前左春坊右司諫 兼翰林院編修 武進唐順之編輯

太子太保兵部尚書都察院右都御史總督浙西等處軍務新安胡宗憲校刊

門生 袁 工 革

武進左 杰 校正

君

漢高祖

彭越 陳 吳 呂 佈

彭越 陳 吳 呂 佈

吳 呂 佈

歷代史纂左編一百四十二卷 嘉靖四十年序新安胡氏校刊本

明 唐順之 輯 卷一百三十六 史 史鈔 史部 史鈔 3 B4361100

澤之披夢與 劉邦 時雷電晦冥父太公往視則交

書名撰者 卷內容分類 索書號 編號

彩色首頁1

東洋文化研究所漢籍目錄 編號: B4361100

東洋文化研究所漢籍目錄所藏漢籍善本全文影像資料庫 索書號: 史部 史鈔 3

漢籍善本全文影像資料庫文本 歷代史纂左編一百四十二卷 嘉靖四十年序 新安胡氏校刊本

版權所有: 東京大學 東洋文化研究所 使用上的注意事項

龍於上巳而有如遂產高祖高祖為人隆準而龍顏

陸漢

東方文化學院東京研究所
No. 685

0 1 2 3 4 5 6 7 8 9 2

東方文化學院東京研究所



史纂左編卷第一百三十六

釋良价曹洞宗

筠州洞山良价禪師會稽人也幼歲從師念般若心

經至無眼耳鼻舌身意處忽以手捫面問師曰某甲

有眼耳鼻舌等何故經言無其師駭然異之曰吾非


汝師卽指往五洩山禮默禪師披剃年二十二詣嵩

山具戒○首偈南泉值馬祖諱辰修齋泉問衆曰來

日設馬祖齋未審馬祖還來否衆皆無對師出對曰

待有伴卽來泉曰此子雖後生甚堪離家師曰和尚

莫壓良爲賤○次參滄山問曰頃聞南陽忠國師有



詞雲
巖成

參
山

無情說法話某甲未究其微爲曰闍黎莫記得麼師
曰記得爲曰汝試舉一編看師遂舉僧問如何是古
佛心國師曰墻壁瓦礫是僧曰墻壁瓦礫豈不是無
情國師曰是僧曰還解說法否國師曰常說熾然說
無間歇僧曰某甲爲甚麼不聞國師曰汝自不聞不
可妨他聞者也僧曰未審甚麼人得聞國師曰諸聖
得聞僧曰和尚還聞否國師曰我不聞僧曰和尚旣
不聞爭知無情解說法國師曰賴我不聞我若聞卽
齊於諸聖汝卽不聞我說法也僧曰恁麼則衆生無
分去也國師曰我爲衆生說不爲諸聖說僧曰衆生

聞後如何國師曰卽非衆生僧曰無情說法據何典
教國師曰灼然言不該典非君子所談汝豈不見華
嚴經云刹說衆生說三世一切說師舉了爲曰我這
裏亦有祗是罕遇其人師曰某甲未明乞師指示爲
豎起拂子曰會麼師曰不會請和尚說爲曰父母所
生口終不爲子說師曰還有與師同時慕道者否爲
曰此去灃陵敝縣石室相連有雲巖道人若能撥草
瞻風必爲子之所重師曰未審此人如何爲曰他曾
問老僧學人欲去師去時如何老僧對他道直須絕
滲漏始得他道還得不違師旨也無老僧道第一不

雲巖

得道老僧在這裏師遂辭瀉山徑造雲巖舉前因緣了便問無情說法甚麼人得聞巖曰無情得聞師曰和尚聞否巖曰我若聞汝即不聞吾說法也師曰某甲為甚麼不聞巖豎起拂子曰還聞麼師曰不聞巖曰我說法汝尚不聞豈况無情說法乎師曰無情說法該何典教巖曰豈不見彌陀經云水鳥樹林悉皆念佛念法師於此有省乃述偈曰也大奇也大奇無情說法不思議若將耳聽終難會眼處聞時方得知○師問雲巖某甲有餘習未盡巖曰汝曾作甚麼來師曰聖諦亦不為巖曰還歡喜也未師曰歡喜則不

水鳥樹林



水影

無如糞掃堆頭拾得一顆明珠○師辭雲巖巖曰此一別難得相見師曰難得不相見○師臨行又問百年後忽有人問還貌得師真否如何抵對巖良久曰抵者是師沉吟巖曰你閣黎承當箇事大須審細師猶涉疑○師因過水睹影大悟前旨有偈曰切忌從他覓迢迢與我踈我今獨自往處處得逢渠渠今正是我我今不是渠應須甚麼會方得契如如○師因供養雲巖真次僧問先師道祇這是真便是否師曰是曰意旨如何師曰當時幾錯會先師意曰未審先師還知有也無師曰若不知有爭解恁麼道若知

位開
五位

有爭肯怠麼道○師自唐大中末於新豐山接誘學徒厥後盛化豫章高安之洞山權開五位善接三根大闡一音廣弘萬品橫抽寶劍剪諸見之穢林妙叶玄通截萬端之穿鑿又得曹山深明的肯妙唱嘉猷道合君臣偏正回互由是洞上玄風播於天下故諸方宗匠咸共推尊之曰曹洞宗○師因雲巖諱曰營齋僧問和尚於雲巖處得何指示師曰雖在彼中不蒙指示曰既不蒙指示又用設齋作甚麼師曰爭敢違背他曰和尚初見南泉爲甚麼却與雲巖設齋師曰我不重先師道德佛法稔重他不爲我說破曰和

尚爲先師設齋還肯先師也無師曰半肯半不肯曰爲甚麼不全肯師曰若全肯卽孤負先師也○僧問寒暑到來如何迴避師曰何不向無寒暑處去曰如何是無寒暑處師曰寒時寒殺閻黎熱時熱殺閻黎○上堂還有不報四恩三有者麼衆無對又曰若不體此意何超始終之患直須心心不觸物步步無處所常無間斷始得相應直須努力莫閑過日○師與泰首座冬節喫果子次乃問有一物上拄天下拄地黑似漆常在動用中不得且道過在甚麼處泰曰過在動用中同安別師喚侍者撥退果卓○

有僧不安要見師師遂往僧曰和尚不救取人家男
 女師曰你是恁麼人家男女曰某甲是大闡提人家
 男女師良久僧曰四山相逼時如何師曰老僧日前
 也向人家屋簷下過來曰回互不回互師曰不回互
 曰教某甲向甚處去師曰粟畬裏去僧噓一聲曰玃
 重便坐脫師拄杖敲頭三下曰汝抵解與麼去不解
 與麼來一僧與相逢不拈出舉意便知有時如何師乃
 合掌頂戴○問僧作甚麼來曰孝順和尚來師曰世
 間恁麼物最孝順僧無對上堂有一人在千人萬人
 中不背一人不向一人你道此人具何面目雲居出

坐脫



曰某甲參堂去○師有時曰體得佛向上事方有三
 子語話分僧問如何曰入語話師曰語話時問黎不聞曰和
 尚還聞否師曰入語話時即聞○問和尚出世幾人肯師
 曰並無一人肯曰為恁麼無一人肯師曰為他箇
 箇氣字如平○師問講維摩經僧曰不可以智知不
 可以識識識作無麼事曰講法身語師曰喚作法身
 早是讚也○僧問亡僧靈化為甚麼處去師曰火後
 一莖茆○問師尋常教人修行為道師曰不逢一人
 曰如何修行師曰直須是了無絲毫去曰越知修行為道莫
 便是本來面目否師曰爾等因甚顛倒言恁麼處是

行鳥

學人顛倒師曰若不顛倒因甚麼却認奴作郎曰如
何是本來面目師曰不行爲是也○師與密師伯遇水
乃問過水事作麼生伯曰不濕師曰老老大大作
這箇語甚伯曰你又作麼生師曰脚不濕○師洗鉢
次見西鳥爭蝦蟇有錯便問這箇因甚麼到恁麼地
師曰祇爲爾黎○僧問三身之中阿那身不墮衆數
師曰吾常於此切後有持此切意者○先師道言常於
又問雪峯拄杖勢劈口師曰云要頭便頌去
打云我亦曾到洞山來師曰君臣頌曰正中
徧三更初夜月明前莫怪相逢不相識隱隱猶懷舊
只嫌徧中正失曉老婆逢古甌分明覲面別無真休

五位
君臣

功勤
君臣
并坐

更進頭猶認影正中來無中有路隔塵埃但能不
當今諱也勝前朝斷舌才兼中至兩刃交鋒不須避
好手猶如火裏蓮宛然自有冲天志兼中到不落有
無誰敢和人人盡欲出常流折合還歸炭裏坐○上
堂向時作麼生奉時作麼生功時作麼生共功時作
麼生功功時作麼生僧問如何是向師曰喫飯時作
麼生曰如何是奉師曰背時作麼生曰如何是功師
曰放下饅頭時作麼生曰如何是共功師曰不得色
曰如何是功功師曰不共乃示頌曰向聖主由來法
帝堯御人以禮曲龍腰有時闌市頭邊過到處文明



已錄三編卷之三

樂

賀聖朝奉淨洗濃粧爲阿誰子規聲裏勸人歸百花
落盡啼無盡更向亂峯深處啼功枯木花開劫外春
到騎玉象趨麒麟而今高隱千峯外月皎風清好日
辰共功衆生諸佛不相侵山自高兮水自深萬別千
差明底事鷓鴣啼處百花新功頭角纔生已不堪
擬心求佛好羞慚迢迢空劫無人識肯向南詢五十
三寶鏡○師因曹山辭遂囑曰吾在雲巖先師處親印寶
鏡三昧事窮的要今付於汝詞曰如是之法佛祖密
付汝今得之宜善保護銀盃盛雪明月藏鷺類之弗
齊混則知處意不在言來機亦起動成窠臼差落

佇背觸俱非如火聚但形文彩卽屬染汚夜半正
明天曉不露爲物作則用拔諸苦雖非有爲不是無
語如臨寶鏡形影相覩汝不是渠渠正是汝如世嬰
兒五相完具不去不來不起不住婆婆和和有句無
句終不得物語未正故重離六爻偏正回互疊而爲
三變盡成五如莖草味如金剛杵正中妙挾敲唱雙
舉通宗通塗挾帶挾路錯然則吉不可犯于天真而
妙不屬迷悟因緣時節寂然昭著細入無間大絕方
所毫忽之差不應律呂今有頓漸緣立宗趣宗趣分
矣卽是規矩宗通趣極真常流注外寂中搖係駒伏



鼠先聖悲之爲法檀度隨其顛倒以縑爲素顛倒想
滅肯心自許要合古轍請觀前古佛道垂成十劫觀
樹如虎之缺如馬之馮以爲下劣寶几玕御以有驚
異狸奴白牯弄以巧力射中百步箭鋒相直巧力何
預木人方歌石女起舞非情識到寧容思慮臣奉於
君子順於父不順非孝不奉非輔潛行密用如愚若
魯但能相續名主中主○師又曰末法時代人多軋
慧若要辨驗真偽有三種滲漏一曰見滲漏機不離
位墮在毒海二曰情滲漏滯在向背見處偏枯三曰
語滲漏究妙失宗機昧終始濁智流轉於此三種子

宜知之又綱要偈三首一敲唱俱行偈曰金針雙

備叶路隱全該寶印當風妙重重錦縫開二金鎖

路偈曰交互明中暗功齊轉覺難刀窮忘進退金鎖

網鞵鞵三不墮凡聖亦名理偈曰事理俱不涉回照

絕幽微背風無巧拙電火燦難追○問僧世間何物

最苦曰地獄最苦師曰不然在此衣線下不明大事

是名最苦○問僧名恁麼曰某甲師曰阿那箇是闍

黎主人公曰見祇對次師曰苦哉苦哉今時人例皆

如此祇認得驢前馬後底將爲自己佛法平沉此之

謂也賓中主尚未分如何辨行主中主僧曰如何是

前
高後



神
源

史記卷一百一十五

卷

三師曰闍黎自道取曰某田道得即是賓中主
云云是甲道得不如何是主也主師曰無邊道即易
代云是賓中主
相續也大難遂示頌曰空見今時學道流千千萬萬
認門頭恰似入京朝聖主抵到潼關便即休

本寂

曹山本寂禪師尋謁洞山山問闍黎名恁麼師曰本
寂山曰那箇潭師曰不名本寂山深契之自此入室
槃桓數載乃辭去山遂密授洞山宗旨復問曰子向
恁麼處去師曰不變異處去山曰不變異處豈有去
邪師曰去亦不變異 遂往曹谿禮祖塔回吉水衆
嚮師名乃請開法師忘慕六祖遂名山爲曹師因僧
問五位君臣旨訣師曰五位即空界本來無物偏位
卽色界有萬象形正中偏者背理就事偏中止者舍
事入理兼帶者冥應衆緣不墮諸有非淨非正

五位
君臣
旨訣

洞
山
旨
訣

非偏故曰虛玄大道無著真宗從上先德推此一位
最妙最玄當詳審辯明君為上位臣為偏位臣向君
是偏中正君視臣是正中偏君臣道合是兼帶語僧
又問如何是君師曰妙德尊寰宇高明朗太虛曰如
何是臣師曰靈機弘聖道真智利群生曰如何是臣
向君師曰不墮諸異趣凝情望聖容曰如何是君視
臣師曰妙容雖不動光燭本無偏曰如何是君臣道
合師曰混然無內外和融上下平師又曰以君臣偏
正言者不欲犯中故臣稱君不敢斥言是也此吾法
宗要乃作偈曰學者先須識自宗莫將真際雜頑空

吳興有錄卷之三十一

九

五位
君臣

妙明體盡知傷觸力在逢緣不借中出語直教燒不
著潛行須與古人同無身有事超岐路無事無身落
始終復作五相并偈○白衣須拜相此事不為奇積
代簪纓者休言落魄時○子時當正位明正在君臣
未離兜率界烏鷄雪上行○談裏寒氷結楊花九月
飛泥牛吼水面木馬逐風嘶○王宮初降日玉兔不
能離未得無功肯人天何太遲○渾然藏理事朕兆
卒難明威音王未曉彌勒豈恹恹○稠布衲問披毛
帶角是甚麼墮師曰是類墮曰不斷聲色是甚麼墮
師曰是隨墮曰不受食是甚麼墮師曰是尊貴墮乃

三種
墮

法苑珠林卷之三十一

十

留

日食者卽是本分事知有不取故曰尊貴墮若執初心知有自己及聖位故曰類墮若初心知有已事回光之時擯却色聲香味觸法得寧謐卽成功勳後却不執六塵等事隨分而昧任之則礙所以外道六師是汝之師彼師所墮汝亦隨墮乃可取食食者卽是止命食也亦是就六根門頭見聞覺知祇是不被他染汚將爲墮且不是同向前均他本分事尚不取豈况其餘事邪師凡言墮謂混不得類不齊凡言初心者所謂悟了同未悟耳師作四禁偈曰莫行心處路不挂本來衣何須正恁麼切忌未生時○僧問學人

四林下語

通身是病請師醫師曰小醫曰爲恁麼不醫師曰教汝求生不得求死不得○問五位對賓時如何師曰汝卽今問那箇位曰某甲從偏位中來請師向正位中接師曰不接曰爲甚麼不接師曰恐落偏位中去師却問僧祇如不接是對賓是不對賓曰早是對賓了也師曰如是如是○問三界擾擾六趣昏昏如何辨色師曰不辨色曰爲恁麼不辨色師曰若辨色卽昏也○師聞鐘聲乃曰阿唧阿唧僧問和尚作恁麼師曰打着我心僧無對五祖戒云○師問金峯志作賊人心虛曰作恁麼來曰蓋屋來師曰了也未曰這邊別了師

幻本元真

曰那邊事作麼生曰隻下工日和尚師曰如是如是○師一日入僧堂與火有僧曰今日好寒師曰須知有不寒者曰誰是不寒者師笑火示之僧曰莫道無人好師拋下火僧曰某甲到這裏却不會師曰日照寒潭明更明○問幻本何真師曰幻本元真法眼別云幻本法眼別云曰當幻何顯師曰即幻即顯法眼別云曰恁麼則始終不離於幻也師曰覓幻相不可得○僧問清稅孤貧乞師賑濟師召稅閣黎稅應諾師曰清原白家酒三盞喫了猶道未沾唇玄覺云甚麼處是與他酒喫○鏡清問清虛之理畢竟無身時如何師曰理即如此事作



麼生曰如理如事師曰設曹山一人即得爭奈諸聖眼何曰若無諸聖眼爭豈得箇不恁麼師曰官不容針私通車馬○僧問子歸就父為恁麼父全不顧師曰理合如是曰父子之恩何在師曰始成父子之恩曰如何是父子之恩師曰刀斫不開○問雪覆千山為恁麼孤峯不白師曰須知有異中異曰如何是異中異師曰不墮諸山色○問世間恁麼物最貴師曰死猫兒頭最貴曰為恁麼死猫兒頭最貴師曰無人著價○問僧作恁麼曰掃地師曰佛前掃佛後掃曰前後一時掃師曰與曹山過鞞鞋來○僧問抱璞投

師請師雕琢師曰不雕琢曰爲甚麼不雕琢師曰須知曹山好手○紙衣道者來參師問莫是紙衣道者否者曰不敢師曰如何是紙衣下事者曰一裘纒掛體萬法悉皆如師曰如何是紙衣下用者近前應諾便立脫師曰汝祇解恁麼去何不解恁麼來者忽開眼問曰一靈真性不假胞胎如何師曰未是妙者曰如何是妙師曰不借借者珍重便化師示頌曰覺性圓明無相身莫將知見妄踈親念異便於玄體昧心差不與道爲隣情分萬法沉前境識鑿多端喪本真如是句中全曉會了然無事昔時人○師問強上座

井強觀曰佛真法身猶若虛空應物現形如水中月作麼生說箇應底道理曰如驢覷井師曰道則太煞道祇道得八成曰和尚又如何師曰如井覷驢○陸亘大夫問南泉姓甚麼泉曰姓王曰王還有眷屬也無泉曰四臣不昧曰王居何位泉曰玉殿蒼生後僧舉問師玉殿蒼生意旨如何師曰不居正位曰八方來朝時如何師曰他不受禮曰何用來朝師曰違則斬曰違是臣分上未審君意如何師曰樞密不得旨曰恁麼則燮理之功全歸臣相也師曰你還知君意麼曰外方不敢論量師曰如是如是○僧問香嚴如何是道

上殿
蒼生

枯木
龍吟

嚴曰枯木裏龍吟曰如何是道中人嚴曰

暗云妙別云龍藏枯木僧不領乃問石霜如何是枯木裏龍吟

霜曰猶帶喜在曰如何是鬪髻裏眼睛霜曰猶帶識

在又不領乃問師如何是枯木裏龍吟師曰血脈不

斷曰如何是鬪髻裏眼睛師曰乾不盡曰未審還有

得聞者麼師曰盡大地未有一人不聞曰未審枯木

裏龍吟是何章句師曰不知是何章句聞者皆喪遂

示偈曰枯木龍吟真見道鬪髻無識眼初明喜識盡

時消息盡當人那辯濁中清○問朗月當空時如何

師曰猶是堦下漢曰請師接上堦師曰月落後來相

見○問靈衣不挂時如何師曰曹山孝滿曰孝滿後
如何師曰曹山好顛酒



法苑珠林卷之...

三

Multiple vertical columns of text, mostly blank or containing faint bleed-through from the reverse side of the page.

卷

文選卷之九



道膺

洞淵
神人
送食

孿生

雲居道膺禪師結菴于三峯經旬不赴堂山問予近日何不赴齋師曰每日自有天神送食山曰我將謂汝是箇人猶作這箇見解在汝晚間來師晚至山召膺菴主師應諾山曰不思善不思惡是恁麼師回菴寂然宴坐天神自此竟尋不見如是三日乃絕○師曾令侍者送袴與一住菴道者道者曰自有孿生袴竟不受師再令侍者問孿未生時著箇恁麼道者無語後遷化有舍利持似於師師曰直饒得八斛四斗不如當時下得一轉語好○上堂如人將三貫錢買

法苑珠林卷之九

道膺

箇獵狗祇解尋得有蹤跡底忽遇羚羊挂角莫道蹤跡氣息也無

匡仁

匡仁禪師初造洞山洞山順世乃到潭州叅大瀉值大瀉示衆曰行脚高士直須向聲色裏睡眠聲色裏坐臥始得師不契後聞婺州明招謙和尚出世徑往禮拜招問甚處來師曰閩中來曾到大瀉否師曰到招曰有何言句師舉前語招曰瀉山可謂頭正尾正祇是不遇知音師亦不省復問忽遇樹倒藤枯句歸何處招曰却使瀉山笑轉新師於言下大悟乃曰瀉山元來笑裏有刀遙空禮拜悔過招一日問虎生七子那箇無尾巴師曰第七箇無尾巴後遷跡山

○上堂病僧咸通年前會得法身邊事咸通年後會得法身向上事雲門出問如何是法身邊事師曰枯椿曰如何是法身向上事師曰非枯椿曰還許某甲說道理也無師曰許曰枯椿豈不是明法身邊事師曰是曰非枯椿豈不是明法身向上事師曰是曰祇如法身還該一切也無師曰法身周徧豈得不該門些淨瓶曰祇如淨瓶還該法身麼師曰閣黎莫向淨瓶邊覓門便禮拜

居遁

透過
佛祖

龍牙居遁禪師參洞山始悟厥旨上堂夫叅玄人須透過祖佛始得新豐和尚道祖佛言教似生冤家始有叅學分若透不得即被祖佛謾去僧問祖佛還有謾人之心也無師曰汝道江湖還有礙人之心也無乃曰江湖雖無礙人之心為時人過不得江湖成礙人去不得道江湖不礙人祖佛雖無謾人之心為時人透不得祖佛成謾人去不得道祖佛不謾人若透得祖佛過此人過却祖佛若也如是始體得祖佛意方與向上人同如未透得但學佛學祖則萬劫無有

出期僧曰如何得不被祖佛謾去師曰道者直須自
悟去始得

德止

圓通德止禪師上堂山僧二十年前兩目皆盲了無
所覩唯是聞人說道青天之上有大日輪照三千大
千世界無有不徧之處籌策萬端終不能見二十年
後眼光漸開又值天色連陰濃雲亂湧四方觀察上
下推窮見雲行時便於行時作計較見雲住時便於
住處立箇窠臼正如是間忽遇著箇多知漢問道莫
是要見日輪麼何不向高山頂上去山僧却徵他道
那裏是高山頂上他道紅塵不到處是諸仁者好箇
端的消息還會麼長連牀上佛陀耶

慈象曰思而知
慮而得皆是鬼



兩目
皆盲
不見
日輪

青原
三世
寶
奉昭

家活計



文偃 雲門宗

百原
六世
存雪

雲門文偃禪師嘉興人也初參睦州州纔見來便問
 却門師乃叩門州曰誰師曰某甲州曰作恁麼師曰
 已事未明乞師指示此門一見便閉却師如是連
 三日叩門至第三日開門師乃撥入州使擒住曰
 道道師靈靈何推曰素時鞭轆鑽遂掩門損師
 一足師從之入州請見雪峯師到雪峯莊見一僧
 乃問上座今者入山去那僧曰是師曰寄一刺因緣
 問堂頭和尚是云無道是別人語僧曰得師曰上
 座到山中見和尚云三三衆纔集便出握腕立地曰這

睦州
指見
雪峯

卷之三十一

一

老漢頂上帶如何不能知其僧一依師教雪峯見這僧與麼道便下座攜麈尾住曰速這速道僧無對峯拓開曰不是汝語僧曰是其甲語峯曰侍者將繩棒來僧曰不是某語是莊上一浙中上座教某甲來道峯曰大衆去莊上迎取五百人善知識來師次日上雪峯峯纔見便曰因恁麼得到與麼地師乃低頭從茲契合温研積稔密以宗印授焉師出嶺徧謁諸方覈窮殊軌鋒辨險絕世所盛聞後抵靈樹真符知聖禪師接首座之說初知聖住靈樹二十年不請首座常云我首座生也我首座牧牛也我首座行脚也

抵靈樹



一日令擊鍾三門外接首座衆出迓師果至直請入首座寮解包○後廣主命師出世靈樹開堂日主親臨日弟子請益師曰目前無異法眼別云不可無益於人師乃

住

曰莫道今日謾諸人好抑不得已向諸人前作一場狼藉忽遇明眼人見成一場笑且如今避不得也且問你諸人從上來有甚事少麼向你道無事已足相埋沒也雖然如是也到這田地始得亦莫越口快亂向自己心裏黑漫過地明朝後日大有事在你若恐遲遲且問古人建化門庭泉觀西觀看是箇甚麼道理欲得會麼都緣是你自家無量劫來

思

妄想濃厚一羈聞人說者便覺心照佛問法問向
上向下求覓解會轉交涉擬心即差况復有言有
句莫是不擬心是麼莫錯會好更有恁麼事珍重○
上堂我事不獲已向諸人道直下無事早是相埋
沒了也更欲踏步向爾尋言逐句求覓解會千差萬
別廣設問難贏得一場口滑去道轉遠有恁麼休歇
時此事若在言語上三乘十二分教豈是無言語因
恁麼更道教外別傳若從學解機智得抵如十地聖
人說法如雲如雨猶被呵責見性如隔羅縠以此故
知一切有心天地懸殊雖然如此若是得底人道火

尋言逐句

地聖人

不能燒口終日說事未嘗挂著唇齒未嘗道著一字
終日著衣喫飯未嘗觸著一粒米挂一縷絲雖然如
此猶是門庭之說也須是實得恁麼始得若約衲僧
門下句裏呈機徒勞佇思直饒一句下承當得猶是
瞌睡漢時有僧問如何是一句師曰舉○僧來參師
乃拈起袈裟曰汝若道得落我袈裟圈積裏汝若道
不得又在鬼窟裏坐作麼生自代云某甲無氣力○
上堂諸兄弟盡是諸方參尋知識決擇生死到處豈
無尊宿垂慈方便之詞還有透不得底句麼出來舉
看待老漢與你大家商量有麼有麼時有僧出擬伸

家量

問次師曰去去西天路迢迢十萬餘便下座○舉世
尊初生下一手指天一手指地周行七步目顧四方
云天上天下唯我獨尊師曰我當時若見一棒打殺
與狗子喫却貴圖天下太平○師在文德殿赴齋有
鞠常侍問靈樹果子熟也未師曰甚麼年中得信道
生○僧問如何是大修行人師曰一棹在手○上堂
因聞鍾聲乃曰世界與麼廣濶為甚麼鍾聲披七條
聯珠又云僧無語師○上堂舉一則語教汝直下承
當早是撒屎著汝頭上也直饒拈一毫頭盡大地一
時明得也是剗肉作瘡雖然如此汝亦須是實到這

德

平

信根

箇田地始得若未切不得掠虛却須退步向自己根
脚下推尋看是箇恁麼道理實無絲毫許與汝作解
會與汝作疑惑况汝等各各當人有一段事大用現
前更不煩汝一毫頭氣方便與祖佛無別自是汝諸
人信根淺薄惡業濃厚突然起得許多頭角擔鉢囊
千鄉萬里受屈作麼且汝諸人有甚麼不足處大丈
夫漢阿誰無分獨自承當得猶不著便不可受人欺
謾取人處分纔見老和尚開口便好把特石驀口塞
便是屎上青蠅相似關喙將去三箇五箇聚頭商量
苦屈兄弟古德一期為汝入不奈何所以方便垂

苦屈兄弟古德一期為汝入不奈何所以方便垂

默然

一言半句通汝入路知定般事猶放一邊自著此子
 筋骨豈不是有少許相親處與快與時不待人出
 息不保入息更有恁麼身心別處需用切須在意珍
 重○僧問靈樹如何是祖師西來意樹默然遷化後
 門人立行狀碑欲入此語問師曰先師默然處如何
 上碑師對曰師○昔請般柴次師遂拈一片拋下曰
 一大藏教祇講這箇○上堂人人自有光明在看時
 不見暗昏昏作麼生是諸人自己光明自代曰厨堂
 三門又曰好事不如無○示眾藥病相治盡大地是
 藥那箇是你自己○僧問如何是祖佛越祖之談師

將運



見相
似語
句

日餠餅○上堂故知時運澆漓代千像季近日師僧
 北去言禮文殊南去謂遊衡嶽恁麼行脚名字比丘
 徒消信施苦哉苦哉問著黑漆相似祇管取性過時
 設有三箇兩箇狂學多聞記持話路到處覓相似語
 句印可老宿輕忽上流作薄福業他日習羅王釘釘
 之時莫道無人向你說若是初心後學豈須擺動精
 神莫空記人說處多虛不如少實向後祇是自賺有
 恁麼事近前○上堂聞聲悟道見色明心遂舉起手
 曰觀世音菩薩將煎買餠餅放下手曰元來祇是饅
 頭○上堂乳哺之內宇宙之間中有一寶秘在形山

見卷左編卷三十一

拈燈籠向佛殿裏將三門來燈籠上作麼生自代曰
逐物意移又曰雲起雷興○示衆曰十五日巳前不
問汝十五日巳後道將一句來衆無對自代曰日日
是好日○上堂拄杖曰凡夫實謂之有二乘折謂
之無圓覺謂之幻有菩薩當體卽空無智家見拄杖
便喚作拄杖行但行坐但坐不得動著○僧問如何
是雲門一曲師曰臘月二十五日唱者如何師曰且
緩緩○問牛頭未見四祖時如何師曰家家觀世音
日見後如何師曰火裏蟬螻吞大蟲○問如何是雪
嶺泥牛吼師曰山河走日如何是雲門木馬嘶師曰

見解
下同

天地黑

人天眼目互換下句稍異

○問十二時中如何卽得不空

過師曰向恁麼處著此一問曰學人不會請師舉師

曰將筆硯來師作一頌曰舉不顧卽差互擬思量何

劫悟○僧問如何是學人自己師曰遊山翫水曰如

何是和尚自己師曰賴遇維那不在○僧問樹凋葉

落時如何師曰體露金風○問如何是佛師曰乾屎

橛○問如何是諸佛出身處師曰東山水上行○問

古人面壁意旨如何師曰念七○問如何是祖師西

來意師曰日裏看山○問如何是和尚家風師曰有

讀書人來報○問如何是透法身白師曰北斗裏藏

身○問承古有言牛頭橫說豎說猶未知有向上關
候子如何是向上關候子師曰東山西嶺青○上堂

三句
關鍵

函蓋乾坤目機鉢兩不涉世緣作麼生承當衆無對
自代曰一鏃破三關○僧問如何是雲門劍師曰祖

一字
機鋒

○問如何是正法眼師曰普○問如何是啐啄之機
師曰響○問如何是吹毛劍師曰豁又曰啖○問如
何是雲門一路師曰親○問殺父殺母向佛前懺悔
殺佛殺祖向恁麼處懺悔師曰露○問如何是一代
時教師曰對一說○問不是目前機亦非目前事時
如何師曰倒一說○問如何是法身向上事師曰向



上與汝道卽不難作麼生會法身曰請和尚鑒師曰

鑒卽且置作麼生會法身曰與麼與麼師曰這箇是

長連牀上學得底我且問你法身還解喫飯麼僧無

對○問僧近離恁處曰西禪師曰西禪近日有何言

句僧展兩手師打一掌僧曰某甲話在師却展兩手

僧無語師又打僧○問秋初夏末前程若有人問作

麼生祇對師曰大衆退後曰未審過在恁麼處師曰

還我九十日錢來○講僧參經時乃曰未到雲門

時恰是初生鳥及乎到後曲彎彎地師得知乃召問

是你道否曰是師曰甚好吾問汝作麼生是初生月

是初生月

僧乃祈額作望月勢師曰你如此也後失却自在僧
經句日復來師又問你還會也未曰未會師曰你問
我僧便問如何是初生月師曰曲彎彎地僧問措後
果然失目○示衆真空不壞有真空不異色僧便問
作麼生是真空師曰還聞鍾聲麼曰此是鍾聲師曰
驢年夢見麼○上堂平地上死人無數過得荆棘林
者是好手時有僧出曰與麼則堂中第一座有長處
也師曰蘇嚕蘇嚕○僧問佛法如水月是否師曰清
波無透路曰和尚從何得師曰再問復何來曰正與
麼時如何師曰重疊關山路○上堂拈拄杖曰拄杖

子化爲龍吞却乾坤了也山河大地甚處得來師有
偈曰不露風骨句未語先分付進步口喃喃知君大
罔措○示衆一人因說得悟一人因喚得悟一人聞
舉便回去你道便回去意作麼生復口也好與三十
棒○上堂光不透脫有兩般病一切處不明面前有
物是一又透得一切法空隱隱地似有箇物相似亦
是光不透漏又法身亦有兩般病得到法身爲法執
不忘已見猶存空在法身邊是一直籠透得法身去
放過卽不可子細檢點將來有甚麼氣息亦是病○
問僧光明寂照徧河沙豈不是張拙秀才語曰是師

日語墮也○僧問一切智是無障礙時如何師曰掃地潑水相公來○問如何是法身師曰六不收○問如何是清淨云身無曰花藥欄曰便恁麼去時如何師曰金毛獅子○問不起一念還有過也無師曰須彌山○問如何是塵塵三昧之師曰鉢裏飯桶裏水○問如何是佛法大意師曰面看北斗○師到天童童曰你還定當得麼師曰和尚道恁麼童曰不會則目前包裹師曰會則目前包裹○師到曹山見示衆云諸方盡把格則何不與他道却令它不疑去師問密密處爲恁麼不知有山曰祇爲密密所以不知有

師曰此人如何親近山曰莫向密密處親近師曰不向密密處親近時如何山曰始解親近師應諾諾○師到鵝湖聞上堂曰莫道未了底人長時浮逼逼地設使了得底明明得知有去處尚乃浮逼逼地師下問首座適來和尚意作麼生曰浮逼逼地師曰首座久在此住頭白齒黃作這箇語話曰上座又作麼生師曰要道卽得見卽便見若不見莫亂道曰祇如道浮逼逼地又作麼生師曰項上著枷脚下著扭曰與麼則無佛法也師曰此是文殊大人境界○僧舉灌谿上堂曰十方無塵落四面寒飈門淨躡躡赤灑灑

僧舉
灌谿
示衆

尚書
問行
脚事

沒可把師曰舉即易出也大難曰上座不肯和尚與
麼道那師曰你適來與麼臺那曰是師曰你驢年夢
見灌慈曰真耶話在師曰我問你十方無壁落四面
亦無門你之大梵天王與帝釋天商量恁麼事曰豈
于他事無嗎曰逐逐喫飯漢○師到江州有陳尚書
者請齋纔見便問儒書中即不問三乘十二分教自
有座主作麼生是衲僧行脚事師曰曾問幾人來書
曰即今問上座師曰即今且置作麼生是教意書曰
黃卷赤軸師曰這箇是文字語言作麼生是教意書
曰口欲談而辭喪心欲緣而慮忘師曰口欲談而辭

喪爲對有言心欲緣而慮忘爲對妄想作麼生是教
意書無語師曰見說尚書看法華經是否書曰是師
曰經中道一切治生產業皆與實相不相違背且道
非非想天有幾人退位書無語師曰尚書且莫草草
三經五論師僧拋却特入叢林十年二十年尚不奈
何尚書又爭得會書禮拜曰某甲罪過師每見僧必
顧視曰鑒僧擬議乃曰嘆後德山圓明大師刪去顧
字謂之抽顧叢林目雲○顧鑿爽○示衆云古佛與
露柱相交是第幾機自代云南山起雲北山下雨

實性

抽顧

副要
四便

白雲子祥實性大師上堂諸人會麼但向街頭市尾
屠兒魁削地獄鑊湯處會取若甚麼會得堪與人天
爲師若向衲僧門下天地懸殊更有一般底祗向長
連牀上作好人去汝道此兩般人那箇有長處無事
珍重

澄遠

香林澄遠禪師上堂是汝諸人盡是擔鉢囊向外行
脚還識得性也未若識得試出來道看若識不得祗
是被入熟謾將去且問汝諸人是汝參學日久用心
掃地煎茶遊山翫水汝且釘釘喚恁麼作自性諸人
且道始終不變不異無高無下無好無醜不生不滅
究竟歸於何處諸人還知得下落所在也未若於這
裏知得所在是諸佛解脫法門悟道見性始終不疑
不慮一任橫行一切人不奈汝何出言吐氣實有來
處如人買田須是收得元本契書若不無他元本契

書終是不穩遮莫經官判狀亦是不得與奈不收得
元契書終是被人奪却汝等諸人參禪學道亦復如
是還有人收得元本契書屢試拈出看汝且喚恁麼
作元本契書諸人試道看若是靈利底纔聞與麼說
著便知去處若不知去處向外邊學得千般巧妙記
持解會口似傾河終不究竟與汝自己天地差殊且
去衣鉢下體當尋覓看若有箇見處上來這裏道看
老僧與汝證明若覓不得且依行隊去

雙峯欽

雙峯欽禪師上堂進一步則迷理退一步則失事
你一向兀然去又同無情僧問如何得不同無情去
師曰動靜施爲曰如何得不迷理失事去師曰進一
步退一步僧作禮師曰向來有人恁麼會老僧不肯
伊曰請師直指師便打出



文益 法眼宗

清涼文益禪師法諡大弱齡稟具於越州開元寺屬律

匠希覺師盛化於明州鄞山育王寺師往預聽習究

其微旨復傍貪儒典遊文雅之場覺師目為我門之

游夏也師以玄機一發雜務俱捐振錫南邁抵福州

參長慶不大發明○後同紹修法進三人欲出嶺過

地藏院阻雪少憩附爐次藏問此行何之師曰行脚

去藏曰作麼生是行脚事師曰不知藏曰不知最親

切又同三人奉肇論至天地與我同根處藏曰山河

大地與上座自己是同是別師曰別藏豎起兩指師

遊文
推之
易



三界
唯心

曰同藏又豎起兩指便起去雲霧辭去藏門送之間
曰上座尋常說三界唯心萬法唯識乃指庭下片石
曰且道此石在心外在心外師曰在心內藏曰行脚
人着恁麼來由安片石在心頭師窘無以對即放包
依席下求決擇近一月餘日呈見解說道理藏語之
曰佛法不恁麼師曰某甲詞窮理絕也藏曰若論佛
法一切現成師於言下大悟○子方上座自長慶來
師舉長慶衙問曰作麼生是萬象之中獨露身子方
舉拂子師曰恁麼會又爭得曰和尚尊意如何師曰
只恁麼作萬象曰古人不檢萬象師曰萬象之中獨

佛法
道理

露身說恁麼撥不撈子方豁然悟解述偈投誠自
諸方會下有存知解者翕然而至始則行行如也師
微以激發皆漸而服膺海參之衆常不減千計○上
堂大衆立久乃謂之曰恁麼便散去還有佛法道
理也無試說看看無又在這裏作麼若有大市裏人
叢處亦有何須到這裏諸人各曾看還源觀百門義
海華嚴論涅槃經諸多策子阿那箇教中有這箇時
節若有試舉看莫是恁麼經裏有恁麼語是此時節
麼有恁麼交涉所以道微言滯於心首嘗為緣慮之
場實際是必前翻為名相之境又作麼生得翻去

若也翻去又作麼生得正去還會麼莫祇恁麼念策
子有恁麼用處僧問如何披露卽得與道相應師曰
汝幾時披露卽與道不相應○問六處不知音時如
何師曰汝家眷屬一群子師又曰作麼生會莫道恁
麼來問便是不得汝道六處不知音眼處不知音耳
處不知音若也根本是有爭解無得古人道離聲色
着聲色離名字着名字所以無想天修得經八萬大
劫一朝退墮諸事儼然蓋爲不知根本真實次第修
行三生六十劫四生一百劫如是直到三祇果滿它
古人猶道不如一念緣起無生超彼三乘權學等見

又道彈指圓成八萬門剎那滅却三祇劫也須體究
若如此用多少氣力○問十二時中如何行履卽得
與道相應師曰取捨之心成巧僞○問聲色兩字恁
麼人透得師却謂衆曰諸上座且道這箇僧還透得
也未若會此僧問處透聲色也不難○問求佛知見
何路最徑師曰無過此○上堂出家人但隨時及節
便得寒卽寒熱卽熱欲知佛性義當觀時節因緣古
今方便不少不見石頭和尚因看肇論云會萬物爲
已者其唯聖人乎他家便道聖人無已歷所不已有
一片言語喚作參同契系上三竺士大德心無過此

考時
大候

卷左

語也中間也。懸語時說話上座人欲會萬物為自己
 去蓋為大地無一法可見它又囑云光陰莫虛度適
 來向上座道但隨時及節便得若也移時失候即是
 虛度光陰於非色中作色解上座於非色中作色解
 即是移時失候且道色作非色解還當不當上座若
 恁麼會便是沒交涉正是痴狂兩頭走有恁麼用處
 上座但守分隨時過好壞重○師問脩山主毫釐有
 差天地懸隔兄作麼生會脩曰毫釐有差天地懸隔
 師曰恁麼會又爭得脩曰和尚如何師曰毫釐有差
 天地懸隔脩便禮拜東禪齋云山上主恁麼抵對為恁
 麼不肯及乎再請益法眼亦抵



恁麼道便得去且道疑誰在恁
 麼處若看得透道上座有來由 ○師與悟空禪師向
 火拈起香匙問曰不得喚作香匙問曰不得喚作香
 匙兄喚作甚麼空曰香匙師不肯空後二十餘日方
 明此語○僧問承教有言從無住本立一切法如何
 是無住本形與未質名起未名○僧參次師指簾時
 有二僧同去捲師曰一得一失○問僧甚處來曰泗
 州禮拜太聖來師曰今年大聖出塔否曰出師却問
 傍僧曰汝道伊到泗州不到○師問寶資長老古人
 道山河無隔礙光明處處透且作麼生是處處透底
 光明資曰東畔打鑼聲○師指竹問僧還見麼曰見

師曰竹來眼裏眼到竹邊曰總不恁麼○問如何是

第二月師曰森羅萬象曰如何是第一月師曰森羅

萬象○師指堯子曰識得堯子周匝有餘雲門云識得堯子天

地懸殊○師一日與李王論道罷同觀牡丹花王命作

偈師即賦曰擁毳對芳叢由來趣不同髮從今日白

花是去年紅艷冶隨朝露馨香逐曉風何須待零落

然後始知空王頓悟其意○師頌三界唯心曰三界

唯心萬法唯識唯識唯心眼聲耳色色不到耳聲何

觸眼眼色耳聲萬法成辦萬法匪緣豈觀如幻山河

大地誰堅誰變○頌華嚴六相義曰華嚴六相義同



中還有異異若異於同全非諸佛意諸佛意總別何

曾有同異男子身中入正定女子身中不留意不留


意絕名字萬象明明無理事○僧慧超問如何是佛

師曰汝是慧超信於是悟入

Multiple vertical lines and faint text on the left side of the page, possibly bleed-through or additional text.

清聳

靈隱清聳禪師初參法眼指用謂師曰滴滴落在上
座眼裏師初不論旨後因閱華嚴感悟承眼印可○
上堂十方諸佛常在汝前還見麼若言見將心見將
眼見所以道一切法不生一切法不滅若能如是解
諸佛常現前又曰見色便見心且喚恁麼作心山河
大地萬象森羅青黃赤白男女等相是心不是心若
是心爲恁麼却成物象去若不是心又道見色便見
心還會麼祇爲迷此而成顛倒種種不同於無同異
中強生同異且如今直下承當頓豁本心皎然無一



達波
源

物可作見聞若離心別求解脫者古人喚作迷波討
源卒難曉悟僧問根塵俱泯爲甚麼事理不明師曰
事理且從喚爲麼作俱泯底根塵

道恒

百丈道恒禪師叅法眼因請益外道問佛不問有言
不問無言敘語未終眼曰住住汝擬向世尊良久處
會那師從此悟入○僧問古人有言釋迦與我同叅
未審叅見何人師曰唯有同叅方知曰未審此人如
何親近師曰恁麼則你不解叅也○問如何是百丈
爲人一句師曰看到諸方總須問過乃曰實是無事
諸人各各是佛更有何疑得到這裏古人道十方同
聚會箇箇學無爲此是選佛場心空及第歸且作麼
生是心空不是那裏閉目冷坐是心空此正是意識

名目
坐

想解上座要會心空麼但且識心便見心空所以道
過去也是去未來更莫算兀然無事坐何曾有人喚
設有人喚上座應他好不應他好若應他阿誰喚上
座若不應他又不要也三世體空且不是木頭也
所以古人道心空得見法王還見法王麼也祇是老
病僧又道道來自代好珍重

道潛

杭州永明道潛禪師初謁法眼眼問日子於叅請外
看恁麼經師曰華嚴經眼曰總別同異成壞六相是
何門攝屬師曰文在十地品中據理則世出世間一
切法皆具六相也眼曰空還具六相也無師憮然無
對眼曰汝問我我問汝道師乃問空還具六相也無
眼曰空師於是開悟踴躍禮謝眼曰子作麼生會師
曰空眼然之○因四眾士女入院眼問師曰律中道
隔壁聞鈸釧聲即名破戒現觀金銀等物紫駢圍
是破戒不是破戒師曰好箇入路眼曰向後有五

百毘徒爲王侯所重。在師尋禮。蘇駐錫。衡州古寺。閱大藏經。忠懿三合。入府受菩薩戒。署慈化定慧禪師。建大伽藍。號慧日永明。請居之。

玄則

報恩玄則禪師初問青峯如何。是學人自己。峯曰丙丁童子來求火。後謁法眼。眼問甚處來。師曰青峯。眼曰青峯有何言句。師舉前話。眼曰上座作麼。生會師曰丙丁屬火。而更求火。如將自己求自己。眼曰與麼會。又爭得。師曰真甲祇與麼未審。和尚如何。眼曰你問我。我與你道。師曰如何。是學人自己。眼曰丙丁童子來求火。師於言下頓悟。

謹

古賢謹禪師。侍立法眼。次眼問一體曰。自離此間。恁

融清
涼益



融清
涼益

麼處去來曰入嶺來眼曰不易曰虛涉它如許多山水眼曰如許多山水也不惡其僧無語師於此有省

德韶

天台德韶國師上堂古聖方便猶如河沙祖師道非風旛動仁者心動斯乃無上心印法門我輩是祖師門下客今作麼生會祖師意莫道風旛不動汝心妄動莫道不撥風旛就只旛過取莫道風旛動處是甚麼有云附物明心不須認物有云色即是空有云非風旛動應須妙會如是解會與祖師意旨有何交涉既不許如是會諸上座便合知悉若於這裏徹底悟去何法門而不明百千諸佛方便一時洞了更有甚麼疑情所以古人道一了千圓一迷萬惑上座豈是



善原
九世
詞清
秀益

今日會得一則明日又不會也莫是有一分向上事
難會有一分下劣凡夫不會如此見解說經塵劫
自勞神乏思無有是處○僧問一切山河大地從何
而起師曰此問從何而來

史纂左編卷第一百三十六

